

鐵嶺縣志卷十一

氏族



孟子曰所謂故國者非謂有喬木之謂也有世臣之謂也三復斯言令人興門第之感大邑名都別饒氣象深山大澤實產龍蛇西都首著簫曹蜀都極言葛姜江南之王謝北地之崔盧地以人傳歟人以地傳歟他如南朝金粉河朔風流燕趙悲歌五陵裘馬閶闔之相續靈秀之所鍾其地其人已成自然之定理摺紳先生王孫貴介大都生有自來行有可考所以芝蘭玉樹生於庭階佳致翩翩自成眷屬此寒酸色相終難登大雅之堂也鐵嶺世胄首推二李左戴高朱次之俗傳又有八大家之稱今則或遷徙異地或其族式微考其源流皆爲一鄉之雅望後之人撫冊流連其繼述之思當油然生矣志氏族

鐵嶺縣志

卷十一 氏族

一

鐵嶺縣立第一工科印

鐵嶺縣志卷十一

氏族志

李氏

明寧遠伯李成梁之裔萬曆時其子如松遷居北京今之北平也入清猶多顯者其後宗支繁衍遊官外省者甚多每因宦其地而居焉今本境內城東小屯新墳等處尙有其支子小宗

李氏

明遊擊李永芳之裔永芳降清後給王化貞以兵陷遼西邑人頗不樂道其後有李率泰李巴顏者皆為清之顯官今其遺裔無考本境西南八十里有村名李巴顏赴新民大道竟以其人名村不知何故今其村已劃入

鐵嶺縣志

卷十一 氏族

二

鐵嶺縣立第一工科印

法庫

左氏

明左懋第先生之弟懋泰之裔先生清風苦節媲美文山弘光繼位奉命北使謁陵並與清譏和清拘之不屈以身報國遂遇害其臨命時詩曰漠漠黃沙少鴈過片雲南下竟如何丹誠碧血銷難盡蕩作寒烟總不磨聞者慟之其弟懋泰謫於鐵嶺遂家焉今其遺族居城內及城東左家溝河西二宮台左家岡子先生原籍山東萊陽

戴氏

清初浙江人戴梓精機巧明天文官欽天監因與監正南懷仁忤徙鐵嶺子亨進士子孫繼美為人樂稱今衰無考本境城東黃金溝村西山

麓其墓在焉松楸森茂猶傳爲戴氏佳城云或謂河西戴三家子戴姓皆其裔也

高氏

清高忠烈公天爵之裔其子孫世爲顯官爲本境望族今其遺裔所在竟莫能道之或曰小汎河村高姓其遺裔也

朱氏

清巡撫朱淪瀚之裔淪瀚高其佩甥也善書法工指頭畫今其遺裔無考

以上二李左戴高朱六氏也

左氏 見前

鐵嶺縣志

卷十一 氏族

三

鐵嶺縣立第一工科印

戴氏 見前

潘氏 無考

商氏

自清初移居境內乾隆時有商其果商其桃兄弟聯登貢舉其後有商其是商冲商廣源書香繼美一時稱盛

秦氏

自清初移居境內族稱繁盛有任知縣者現居南關

屈氏 無考

麻氏

自清初移居境內道光時有麻冕者以成均起家

王氏

自清初移居境內東門裡咸豐時有王耀者以成均起家
以上即俗傳左戴潘商秦屈麻王之八大家也

金氏

清世襲二等男金玉和之裔其支裔居椴木嶺子

尙氏

清平南王尙可喜之裔其遺族多在海城本境內亦有之居東關其宗
支繁盛可知也

佟氏

清佟勤惠公養性及其弟養甲之裔考佟氏本撫順人本境所居者或

鐵嶺縣志

卷十一 氏族

四

鐵嶺縣立第一工科印

爲其支裔歟

郎氏

清兩江總督郎廷佐之裔亦滿清國戚也土人樂道之其遺族多在河
西東貝河村

吳氏

自清中葉由直隸昌黎縣移居本境咸同間科第繼起吳鳳鳴吳鳳德
吳鳳儀吳鳳藻吳珩吳璋均以舉貢起家舉茂才者尤多吳鳳鳴後官
河南鄆陵縣知縣吳璋官黑龍江龍江府知府吳學禮官直隸遷安縣
知事

彭氏

自清康熙二年由直隸灤州移居彭廣璞官戶部江南司員外郎子熙臣官江南道員次子英甲官甘肅布政使孫世祺官江南高郵東臺知縣其弟廣心以拔貢大教習起家官湖北廣濟縣知縣後升山西知府姪虎臣亦官知縣姪濟羣官遼寧省建設廳長

鄭氏

自山東移居境內鄭璞丁酉科拔貢鄭士純官吉林農安縣知縣

魏氏

世居河西楊相國屯宗族頗盛五世同堂雅尚詩書有副榜歲貢數人

王氏

世居城東小白梨溝宗族繁盛五世同堂媲美魏氏其後有王鐵錚畢

鐵嶺縣志

卷十一 氏族

五

鐵嶺縣立第一工科印

業於日本振武學校曾官奉天憲兵營長及團長授職上校

陳氏

世居城東大寶山有陳起棟以武進士起家

陳氏

清中葉由直隸昌黎縣遷居本境咸同間有陳紀升曾任山西襄陵縣知縣子淮官戶部江南司郎中姪熙戴以教習起家後選直隸內邱縣教諭

郭氏

世居城內郭鑑襄以翰林官山東糧道其本支今仍居山東

李氏

家稱殷富世居南門裏李葆真成武進士

尤氏

自清中葉遷居城內有尤其盛以教習起家官直隸樂亭縣知縣

田氏

世居南門裏田葆綬以恩貢官吉林同知

于氏

世居河西曉興屯于民新以進士官刑部郎中曾充光緒辛卯科鄉試同考官子孫官兵部主事

于氏

世居河西羅家房身以耕讀傳家于珍畢業於日本振武學校官奉天

鐵嶺縣志

卷十一 氏族

六

鐵嶺縣立第一工科印

警務處長振威第十軍軍長授職上將其姪國翰同畢業於日本振武學校官陸軍部次長授職上將宣力國家子孫繼美

鄧氏

世居河西大榆樹堡鄧慶麟以進士官掌山東道監察御史

李氏

居城西南賀家墳李向陽以進士官直隸榮城縣知縣

葉氏

世居河西遼濱塔今移北關葉長春中光緒戊戌科進士經魁官工部主事

趙氏

居河西戴三家子趙蘭田以進士官工部主事現隱居

石氏

世居河西長溝沿道咸間石玠任盧龍知縣頗有政聲子賡臣及孫繼之其同族居西關世習詩書石玉山以歲貢起家子立坊以教習官直隸知縣

張氏

居河西張家莊有張成棟中光緒壬辰科進士朝考授職編修

宮氏

居城南官糧窖宮兆甲以拔貢朝考一等授職七品小京官升工部營繕司主事

鐵嶺縣志

卷十一 氏族

七

鐵嶺縣立第一工科印

王氏

世居城南遼海屯王珍以恩貢起家姪友雲以教習授職知縣孫之吉遊學美國畢業

張氏

世居城南牛象岡子張廷樞以歲貢起家善書法人得其片紙隻字珍如拱璧其裔孫張鼎銘中光緒乙酉科拔貢朝考一等授職知縣分發江西後升道員歷官湖南浙江等省現充本省東北司令長官公署各要職亦工書法

劉氏

世居城北果子園劉尙清以附生畢業於法政學校歷充奉天吉林官

銀號總辦黑龍江財政廳長奉天省長農商部總長今隱居

祖氏

祖大受之裔也居城東熊官人屯入清滿洲旗及漢軍旗今業農

曾氏

自山東移境內宗聖曾子之裔居西關北關及河西牧場城東葦菜峪
曾憲文以歲貢起家曾充衆議院議員居東關

孔氏

自山東移境內至聖之裔居柴河北及網戶屯

孟氏

自山東移境內亞聖孟子之裔居城北歪石礮子及城西東貝河

鐵嶺縣志

卷十一 氏族

八

鐵嶺縣立第一工科印

仲氏

先賢仲夫子子路之裔居城東南石碑山

卜氏

先賢子夏之裔居大汎河及城南汎河站

閔氏

先賢閔子子騫之裔居城南楊威樓

王氏

世居城南孤家子宗族繁盛五世同堂王如山以附生民選充省議員
後官黑山縣知事

石氏

清漢軍正白旗人居西關及城南石灰窰子石春雲以武舉起家宗族繁盛子孫繼美

吳氏

內蒙古人原通古斯種又名韃靼人居烏魯特部落遂以烏魯特爲姓烏音通吳又以吳爲姓明萬歷時其始祖名銀泰以蒙古兵從清太祖與明戰六戰皆捷清定鼎後官佐領歷蒙古鑲紅旗子二人長巴郎次巴圖世居本境東南楊士屯今已歷十一世代有顯者其八世孫衷輯曾撰烏魯特宗譜以示其子孫可稱望族焉